

ԱՂՕԹՔ ԱՐԴԱՐ ԴԱՏԱԻՈՐԻ (ՄԱՀՄՈՄ 7)

Տէ՛ր, Աստուածս, յոյսս բու վրադ դրած եմ. փրկէ՛ եւ ազատէ՛ զիս բոլոր հալածիչներէս. չըլլայ որ առիւծի պէս իմ անձս գիշատեն, բզկտեն զիս եւ ազատող մը չունենամ:

Տէ՛ր, Աստուածս, եթէ յանցանք մը գործեցի, կամ ձեռքերուս մէջ անիրաւութիւն կայ, եթէ ինծի բարիք ընողին չարիք հասցուցի, կամ գրկեցի առանց պատճառի ինծի թշնամացողը, թող թշնամիմ վրաս յարձակի եւ հալածէ իմ անձս, թող զգետնէ ու խորտակէ իմ կեանքս, եւ իմ փառքս փոշիի վերածէ:

Ե՛լ, ո՛վ Տէր, բարկութեամբդ ցցուէ նեղիչներուս կատաղութեան դէմ: Արթընցի՛ր, ո՛վ իմ Աստուածս, դուն՝ որ իրաւունքը կը հաստատես: Ժողովուրդը մեծ բազմութեամբ թող բու շուրջդ խմբուի եւ դուն՝ բու բարձրութենէդ տիրէ անոնց վրայ: Դուն, որ կը դատես ժողովուրդները ո՛վ Տէր, դատէ զիս, որ արդար եմ եւ անմեղ: Թող վերջ գտնէ ամբարիշտներու չարութիւնը, եւ դուն արդարը հաստատէ, որովհետեւ դուն, արդա՛ր Աստուած կը բննես մարդոց մտածումներն ու ցանկութիւնները:

Իմ պաշտպան վահանս Աստուած է, որ կը փրկէ սրտով ուղիղ մարդիկը: Աստուած արդար դատաւոր է, եւ ամէն օր կ'արտայայտէ իր գայրոյթը անարդարութեան դէմ:

Շարունակել Սաղմոսաց Գիրքէն:

ԵՐԵՔՇԱԲԹԻ ԳԻՇԵՐՈՒՄՆ ՍՈՒՐԲ ՊԱՏԱՐԱԳ

Կազմակերպութեամբ Կրօնական Ժողովին եւ Ազգային Առաջնորդարանի Երիտասարդական Յանձնախումբին, Երեքշաբթի, 30 Ապրիլ 2019-էն սկսեալ եւ ամէն Երեքշաբթի գիշեր, ժամը 7:00-8:00, Պուրճ Համուտի Ս. Վարդանանց Եկեղեցոյ մէջ պիտի մատուցուի սուրբ պատարագ:

Սուրբ պատարագը պիտի երգէ հաւատացեալ ժողովուրդը: Սուրբ պատարագի ընթացքին, հոգեւոր խորհրդածութիւն պիտի կատարէ Լիբանանի Հայոց Առաջնորդ՝ Գերշ. Տ. Նարեկ Արքեպիսկոպոս:

Այս սուրբ պատարագին նպատակն է առիթ տալ մեր այն հայորդիներուն, որոնք Կիրակիի կողքին, շաբթուան ընթացքին եւս կը փափաքին Հայ Եկեղեցոյ հոգեւոր սնունդը ստանալ: Կը հրաւիրենք մեր ժողովուրդի զաւակները իրենց ամենօրեայ հեւքին մէջ պահ մը կանգ առնելու եւ աղօթքով Աստուծոյ ու իրարու հետ ըլլալու:

Սիրելի ընթերցող, ճՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»ը, կարդալու կամ անդամագրուելու համար:

ՀԱՍՑԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 - Tel/Fax:01-258300 - facebook-ի էջ jerak Ծրագր թերթ



ԸՈՒ ԽՕՍԶԻ ԽՄ ՈՅԹԵՐՈՒՄ ՃՐԱԳ Է ՈՒ ԽՄ ՇԱԽԱՆԵՐՈՒՄ ԼՈՅՍ (Ս. 119-105)

ԺԲ. ՏԱՐԻ ԿԻՐԱԿԻ, 23 ՅՈՒՆԻՍ 2019 ԹԻՒ 25

ԿԻՐԱԿԻ ՕՐԵՐՈՒ ԱՍՏՈՒԱԾԱՇՆՉԱԿԱՆ ԸՆԹԵՐՅՈՒՄՆԵՐ
Առ. 9.1-6: Չք. 3.7-4.9 Եբր. 9.1-10:
ՅԻՍՈՒՍ ՔՐԻՍՏՈՍԻ ԱԻՇՏԱՐԱՆԸ ԸՍՏ ՅՈՎՀԱՆՆՈՒ 10.22-30

ՏՕՆ ԿԱԹՈՂԻԿԷ ԵԿԵՂԵՑԻՈՅ Ա. ԷԶՄԻԱԾՆԻ

Չմեռ էր: Երուսաղէմի մէջ տաճարին Նաւակատիքի տօնակատարութիւնը տեղի կ'ունենար: Յիսուս տաճարին Սողոմոնի սրահին մէջ կ'երթեւեկէր, երբ իր շուրջ հաւաքուեցան հրեաներ եւ հարցուցին. «Մինչեւ ե՞րբ մեր հոգին պիտի հանես, եթէ դուն ես Քրիստոսը՝ յստակ ըստ՝ մեզի»:

Յիսուս պատասխանեց. «Արդէն իսկ ձեզի ըսած եմ, սակայն չէ՛ք հաւատար: Այն գործերը, որ Հօրս անունով կը կատարեմ, անոնք իսկ կը վկայեն՝ թէ ո՛վ եմ ես: Բայց դուք չէք հաւատար, որովհետեւ իմ ոչխարներէս չէք: Ես ոչխարներս կը ճանչնամ. անոնք ձայնս կը լսեն եւ կը հետեւին ինծի, ու ես անոնց յախտեմական կեանք կու տամ: Անոնք բնաւ պիտի չկորսուին: Ո՛չ որ պիտի կարենայ զանոնք յափշտակել իմ ձեռքէս: Հայրս այդ ոչխարները ինծի տուաւ եւ ոչ որ կրնայ յափշտակել զանոնք իմ Հօրս ձեռքէն, որովհետեւ Հայրս բոլորէն աւելի մեծ է: Ես եւ Հայրս մէկ ենք»:

ՍՈՒՐԲ ԸԼԼԱՆՔ ՅԻՍՈՒՍԻ ՆՄԱՆ

Աստուած մեզ հրաւիրեց սրբութեամբ ապրելու (Ա. Թս 4.7): Մարդ կրնայ սրբութեամբ կեանք մը ապրիլ միայն այն ատեն՝ երբ հրաւիրէ Քրիստոսը ապրելու իր սրտին մէջ: Երբ Քրիստոս ի՛նք ըլլայ ապրողը մեր կեանքին մէջ, գործողը մեր ձեռքով, խօսողը մեր բերնով, ֆալողը մեր ոտքով՝ այն ատեն կը հասնինք կատարեալ սրբութեան: «Ես եմ որթատունկը եւ դու՛ք՝ ճիւղերը» (Յհ. 15.5): Եթէ հաստատուինք Քրիստոսի վրայ ինչպէս ճիւղ մը կը հաստատուի ծառին վրայ, բնականօրէն այն գորութիւնը, սրբութիւնն ու սէրը, ֆաղցրութիւնն ու գթութիւնը, որ կայ Քրիստոսի անձին մէջ՝ կը փոխանցուի մեզի եւ մենք Աստուծոյ շնորհիւ կը նմանինք Քրիստոսի:

**ՍԱՐԳԱՐԵԱԿԱՆ ԳԻՐՔԵՐ
ՊՕԴՈՍ ԱՌԱՔԵԱԼԻ ՆԱՄԱԿՆԵՐ**

**ՉԱՔԱՐԻԱ ՍԱՐԳԱՐԵԻ ԳԻՐՔԵՆ
3.7- -4.9**

Այսպէս կ'ըսէ Ամենակալ Տէրը.- «Եթէ իմ ճամբաներէս քալես եւ իմ հրահանգներս կատարես, քեզ իմ տաճարիս կառավարիչ եւ իմ սրահներուս պահապան պիտի կարգեմ, եւ հոս կանգնած հրեշտակներուն պէս ազատ պիտի ըլլաս սրբարանս՝ իմ ներկայութեանս մտնելու: Լսէ՛ ուրեմն, ո՛վ Յեսու, մեծ քահանայապետ, դուն եւ քու զիմացղ նստած քահանայ ընկերներդ, որովհետեւ դուք գալիք բարիքներու պատկերացումն էք: Ահա ես պիտի դրկեմ իմ ծառաս, որ Ընծիւղ պիտի կոչուի: Որովհետեւ ահա Յեսուի առջեւ քար մը կը դնեմ որ եօթը երես ունի: Անոր վրայ ես իմ արձանագրութիւնս պիտի փորագրեմ: Մէկ օրուան մէջ պիտի վերցնեմ այս երկրին անօրէնութիւնը: Երբ այդ օրը գայ,- կ'ըսէ Ամենակալ Տէրը,- ձեզմէ իւրաքանչիւրը իր ընկերը պիտի հրաւիրէ իր որթատունկին կամ թոզնիին տակ հանգչելու»:

Հրեշտակը, որ հետս կը խօսէր, վերադարձաւ եւ զիս արթնցուց ճիշդ ինչպէս քնացած մէկը կ'արթնցնեն, եւ հարցուց ինծի.- Ի՞նչ կը տեսնես:

Պատասխանեցի.- Ձոյլ ոսկիէ աշտանակ մը կը տեսնեմ, որուն վրայ գնդաձեւ ձիթաման մը եւ եօթը ճրագներ կան, իւրաքանչիւրը յատուկ բերանով մը: Աշտանակի կողքին երկու ձիթենիներ կան, մին գնդաձեւ ձիթամանին աջին, իսկ միւսը ձախին:

**ՊՕԴՈՍ ԱՌԱՔԵԱԼԻ ՆԱՄԱԿԸ
ԵՐԱՅԵՅԻՆԵՐՈՒՆ
9.1-10**

Արդարեւ, առաջին Ուխտը իրեն յատուկ պաշտամունքի կանոններ եւ երկրաւոր սրբարան մը ունէր, երկու վրաններէ բաղկացած: Նախ կար արտաքին վրանը, Սրբութիւն կոչուած, ուր կային աշտանակը եւ առաջաւորութեան հացերուն սեղանը: Ապա երկրորդ վարագոյրին ետին կար միւս վրանը, Սրբութիւն Սրբութեանց կոչուած, ուր կային ոսկեայ սեղանը՝ խունկ ծխելու համար եւ ուխտի Տապանակը՝ ներսէն ու դուրսէն ոսկեպատ, որուն մէջ կը պահուէին մանանայով լեցուն ոսկեայ սափորը, Ահարոնի ծաղկած գաւազանը եւ ուխտի տասնաբանեայ պատուիրաններուն քարէ տախտակները: Տապանակին վրայ կային Աստուծոյ փառքը ներկայացնող քերովբէները, որոնք իրենց թելերով հովանի կ'ընէին Բաւութիւն կոչուած կափարիչին վրայ: Ուրիշ մանրամասնութիւններու մասին խօսիլ չեմ ուզեր հիմա:

**ՀԱՐՈՒՆԱԿԵԼ
ԸՆԹԵՐՑԱՆՈՒԹԻՒՆԸ
ԱՍՏՈՒԾԱՇՈՒՆՉԷՆ: ՄԻՇՏ
ԱՍՏՈՒԾԱՇՈՒՆՉ ԿԱՐԴԱՆՔ:**

ՍՈՒՐԲԵՐ ԵՒ ՏՕՆԵՐ

Ս. ԷՋՄԻԱԾՆԻ ՏՕՆ



Ս. Էջմիածնի Մայր տաճարը հայոց առաջին եկեղեցին է: Ան կառուցուած է 301-303 թուականներուն, Տրդատ թագաւորին եւ հայոց առաջին հայրապետին՝ Գրիգոր Լուսաւորչի օրով:

Ս. Գրիգոր Լուսաւորիչը խոր Վիրապէն ելլելէն ու Քրիստոսի հաւատքը հայերուն մէջ քարոզելէն ետք ունեցաւ տեսիլք մը, ըստ որուն Աստուծոյ Միածին Որդին երկինքէն կ'իջնէ եւ իր ոսկեայ մուրճով կը նշէ տաճարին վայրը ու կը գծէ անոր յատակագիծը: Այս ձեւով է, որ պետական կրօն դարձած հայ եկեղեցւոյ առաջին եկեղեցին կոչուեցաւ Էջմիածին՝ խորհրդանշելու համար Աստուծոյ Միածին Որդիին իջած տեղը:

Ս. Էջմիածնի Մայր տաճարը կառուցուեցաւ Վաղարշապատ քաղաքին մէջ: Վաղարշապատը հին Հայաստանի հոգեւոր կեանքի կեդրոնը կը նկատուի ու հոն, հինգերորդ դարէն սկսեալ բացուած է հայկական առաջին դպրոցը: Մայր եկեղեցւոյ անունով, այս քաղաքը նաեւ կոչուած է Էջմիածին: Էջմիածինը կարելի է համարել ուխտավայր ու կարելի է գայն նմանցնել հայկական Երուսաղէմի մը:

Միածինի էջըր ու հայ եկեղեցւոյ հաստատումը հայաստանեայց եկեղեցւոյ կարեւոր տօներէն է, որ կը նշուի Հոգեգալուստէն ետք եկող երկրորդ կիրակին եւ Չատիկի 10-րդ կիրակին:

1700 տարիներ շարունակ, Էջմիածինը ենթարկուած է զանազան աւերումներու: Նորոգութիւններ եղած են, որոնց հետեւանքով անոր նախնական ձեւը խախտած է: Այս փոփոխութիւններու կարգին կարելի է թուել 1682-ին Եղիազար կաթողիկոսին պատուէրով տաճարին կեդրոնը, գլխաւոր գմբէթին տակը շինուած «Իջման Սեղանը» եւ եկեղեցւոյ հարաւային, հիւսիսային եւ արեւելեան կողմերը աւելցուած երեք փոքր գմբէթները:

ԱՍՏՈՒԾԱՇՈՒՆՉԸ

Եկեղեցւոյ կողմէ որդեգրուած դաւանաբանական բանաձեւումները, աստուածաբանական ու բարոյական ուսուցումները եւ հաստատուած կանոնները ուղղակիօրէն ներշնչուած են Աստուծաշունչէն:

Աստուծաշունչը սովորական գիրք մը չէ: Աստուծոյ շունչը կայ հոն: Անոր խորքին, բովանդակութեան հեղինակը Աստուած է, իսկ ձեւին հեղինակը Սուրբ Յոգիով ներշնչուած մարդիկ:

Աստուծաշունչը որպէս աստուծային յայտնութեան աղբիւր, պէտք է մարդուն համար դառնայ, Աւետարանի բառերով «առաւել կեանք»-ի ուղեցոյց:

Արամ Ա. Կաթողիկոս